



Intéirneacht i Rannóg Dlí TG4

Intéirneacht ar bhonn páirtaimseartha ar feadh tréimhse bliana i TG4 do mhic léinn sa réimse Dlí, ag tosú i mí Iúil 2026 go dtí Iúil 2027 (2 lá sa tseachtain)

Cuirfear fáilte roimh iarratais ó mhic léinn chun tréimhse bliana a chaitheamh ar intéirneacht i TG4 i mBaile na hAbhann.

Is fostóir comhdheiseanna é TG4 agus déanfar iarratais incháilithe a mheas beag beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh nó ar duine den Lucht Siúil atá i gceist. Tá TG4 i bhfabhar na héagsúlachta. Fáilteoidh muid roimh iarratais ó dhaoine ó chúlraí éagsúla.

Is deis é seo do dhuine a bhfuil céim sa dlí bainte amach acu agus atá ag iarraidh taithí phraiticiúil a fháil chun cur leis an oiliúint atá faighte acu go dtí seo. Íocfar tuarastal le linn na hintéirneachta seo.

Ní mór Gaeilge den scoth a bheith ag an mac léinn, idir scríobh agus ó bhéal. Beifear ag súil go mbeidh scileanna láidre eagrúcháin, taighde, oibre foirne agus cumarsáide ag an mac léinn. Tá sé tábhachtach go mbeadh taithí mhaith ar ríomhairí agat agus go mbeadh tú in ann córais nua a fhoghlaim go tapa.

I measc na ndualgas a bheidh ar an té a cheapfar, beidh:

- Cuidiú le conarthaí a dhréachtú
- Obair riaracháin
- Taighde
- Athbhreithniú a dhéanamh ar pháipéarachas imréitigh

Gheobhaidh an té a cheapfar taithí chuimsitheach ar bheith ag obair sa réimse dlí.

Seol CV, mar aon le d'iarratas chuig cv@tg4.ie.

An dáta deiridh a nglacfar le hiarratais: 4pm Déardaoin an 12 Feabhra 2026

Is í an Ghaeilge teanga oibre TG4. I gCeannáras TG4 i mBaile na hAbhann a bheidh an post seo lonnaithe.

Eolas Breise don Iarratasóir

Grád an Phoist: Grád Intéirneachta

Uaireanta Oibre:

2 lá/16 uair sa tseachtain.

Dé Céadaoin 9am – 5pm

Déardaoin 9am-5pm

Laethanta Saoire:

Beidh tú i dteideal 23 lá de shaoire íoctha in aghaidh na bliana pro-rata bunaithe ar obair 2 lá sa tseachtain.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d’Fhostaithe • An Scéim um Rothaíocht chun na hOibre
--	---